

地130.115
42
8

館陶縣志

第八册

館陶縣志卷之五

大事志 典制 災祥 兵警 封爵 封贈 褒揚

自封建易爲郡縣屬在一邑歷代疆域之變遷廢置政治之興革利弊文化武功之相與消長進退與夫災荒祥異等事迹日新月異而歲不同世界潮流所趨軍國主義一變而爲民族主義君主國體與專制政體乃不適於二十世紀之生存競爭中華號古文明國而君主專制秦始而後皇帝遂有無上威權降及庶民堂廉高遠情意日疏所謂清問下民痼瘼在抱者亦問世不多得之聖明流弊所極軍事繁興橫征苛斂上下利爭國危纍卵義旗所指軍閥風靡易專制爲共和人民得以平等凡

館陶縣志

大事志 典制

一

舊制之不適時宜者一概蠲除固煥然一新之民治國也然定制固貴適時而準今亦應酌古蓋各國各有其立國之眞精神必有適乎一般人心之善政治而後可立堅固不拔之國基以與列強並峙則已往之嘉謨嘉猷與過去之善政善俗及不適於今而猶可以備考古之殷鑒遐視夫昔而尙堪以資型今之採擇者亦未始不可列舉而併存之也志大事

一典制

隋

開皇五年夏四月詔郡縣置義倉

七年春正月制諸州歲貢三人

大業二年始建進士科

四年春正月開永濟渠引沁水南達於河

明一統志永濟渠在東昌府館陶縣西二里漢

名屯氏河隋疏為永濟渠亦曰御河

唐

太宗貞觀十七年夏四月詔賜文武官及五品以上子為父後者爵一級民八十以上粟帛

二十一年春二月詔以左邱明卜子夏公羊高穀梁赤伏勝高堂生戴聖毛萇孔安國劉向鄭眾杜子春馬融盧植鄭康成服子慎何休王肅王輔嗣杜元凱范甯二十一人代用其書垂於國胄並配享宣尼廟堂

館陶縣志

大事志 典制

二

高宗永徽四年春三月頒孔穎達五經正義於天下

咸亨元年夏五月詔州縣修孔子廟堂

玄宗開元二十七年秋八月追贈孔子為文宣王顏回為褒國公十哲皆為侯

二十八年秋九月魏州刺史盧暉開永濟渠

天寶十三載秋八月制舉人策外加詩賦各一首

制舉加詩賦自此始

伐宗永泰七年春正月以臨清之張橋店置永濟縣

唐書地理志永濟縣今館

陶縣境

宋

太祖乾德元年夏六月命大理正嶼奚知館陶縣楊應夢知永濟

縣今館陶

縣地

開寶元年夏五月詔諸州恤刑

三年夏四月除河北鹽禁

太宗至道三年分天下為十五路

今山東境為宋京東河北二路地館陶屬河北東路

眞宗咸平三年詔諸州舉吏民有武藝及材力過人者

至德二年夏五月親試河北舉人

大中祥符三年夏六月頒天下釋奠先聖廟儀並祭器圖

五年冬十一月改謚孔子為至聖

仁宗天聖六年秋八月以監察御史館陶王沿為河北轉運副使

神宗熙甯三年春二月河北安撫使韓琦請罷青苗法

館陶縣志

大事志 典制

三

元豐二年春正月詔諸州春秋釋奠皆以十哲從祀孔子

七年夏五月詔以孟軻配食孔子

理宗淳祐元年春正月詔加周敦頤張載程顥程頤封爵與朱熹

並從祀孔子廟庭黜王安石後祀

金

皇統年間縣尹孔淵建館陶學宮

元

成宗大德十一年秋七月加封至聖文宣王為大成至聖文宣王

文宗至順元年冬十二月以董仲舒從祀孔廟

三年春正月加封孔子妻鄆國夫人拜官氏為大成至聖文宣王

夫人夏五月追封顏子父母及其妻並予謚
順帝至正九年夏四月詔修黃河金隄

明

太祖洪武二年詔天下府州縣皆立學

三年夏五月始設科取士

四年春三月始策試天下貢士

六年春二月停科舉冬十一月頒大明律

十三年秋八月詔天下學校師生日給廩膳

十五年夏四月詔天下通祀孔子秋八月復設科取士

十七年春三月頒科舉取士式

第一場四書藝三道經義四道第二場論一判語五詔誥章表各一

館陶縣志

大事志 典制

四

第三場經史策五

十八年冬十二月詔舉孝廉

二十八年冬十二月詔山東桑棗及新墾田勿徵稅

成祖永樂十年命宋禮經理衛河

宣宗宣德四年秋九月令天下學校生員兼習書算

十年夏四月以元儒吳澄從祀孔子廟庭

英宗正統二年夏六月以宋儒胡安國蔡沈真德秀從祀孔廟

景帝景泰二年詔山東巡撫舉廉能史專勸農授民荒田貸牛種

憲宗成化七年始立漕粟長運法

明季運漕法由民運而支運由支運而兌運至是始定為長運

十三年春正月增孔子廟籩豆樂舞之數

先是籩豆以十舞以六份至是增籩豆為十二

舞以
八份

孝宗弘治八年秋七月以宋儒楊時從祀孔廟

世宗嘉靖九年冬十一月定孔子謚曰至聖先師

穆宗隆慶三年秋七月詔天下有司實修積穀備荒之政

神宗萬歷十二年冬十二月以陳獻章王守仁從祀孔廟

二十七年夏閏四月詔除東徵加派田賦覈天下積儲

四十一年冬十二月以宋儒羅從彥李侗從祀孔廟

莊烈帝崇禎九年冬十一月蠲山東五年以前逋賦

清

世祖順治二年春總督河道楊方輿奏免山東荒地稅銀

館陶縣志

大事志 典制

五

四年春裁明季牙雜二稅 頒大清律

六年立督催漕糧法

十四年定文廟尊稱曰至聖先師孔子

十七年立常平倉糶糶法

十八年免臨街房屋徵銀

聖祖康熙四年巡撫周有德奏請復孤貧口糧舊額

六年秋七月以策論取士

八年復以經藝取士

十年定新墾地三年後復一年起科例

十二年奉諭新墾地再加寬限通計十年方行起科

十七年詔舉博學鴻詞山東舉十四人

十八年遣法官會同各省撫臬察審刑獄

三十年諭巡撫導民及時耕田

五十四年以宋儒范仲淹從祀文廟

五十五年頒詔寬恤獄囚

五十六年行鄉飲酒禮

世宗雍正二年加封孔子先世三代王爵增四氏中額一名

三年追封關帝先世三代公爵

十一年詔舉博學鴻詞

十二年發米賑修衛河隄埝

館陶縣志

大事志 典制

六

高宗乾隆元年頒十三經二十一史於各省會及府廳州縣學

邑人耿賢舉被薦舉博學鴻詞

七年定拔貢十二年考選一次例

八年夏六月奉命恤病暍者

十年詔有司月給孝子節婦口糧

十一年春正月奉諭省刑

十四年詔舉老成敦厚純樸淹通之士潛心經學者

五十年春正月上以五十年國慶頒恩詔舉行千叟宴

仁宗嘉慶元年春正月朔舉行授受大典頒詔天下行千叟宴賜

高年頂戴

十五年秋九月復山東漕船冬兌春開例

二十一年通飭州縣整頓保甲

二十三年秋八月頒通禮

二十五年奉諭興舉水田

宣宗道光元年兩河奉諭防護隄工

十年春二月御史王璋慶奏山東州縣徵收錢糧加派日多請飭嚴參懲辦

十三年春三月緩東商通課 內河漕船停泊經行之處奉諭嚴查積弊以肅漕政

十六年春二月御製人臣做心錄訓飭州縣條規

館陶縣志

大事志 典制

七

十九年查禁鴉片烟章程纂入則例奉諭一體遵行

三十年秋九月貸汝衛兩河修堰銀

文宗咸豐十一年奉諭山東徵收錢糧折銀

穆宗同治三年春二月巡撫閻敬銘奏請停止山東畝捐

六年冬十一月奉諭士子有默誦五經通曉經義者拔之以爲研經者勸

八年秋七月奉諭籌補常平倉穀

德宗光緒七年奉飭籌辦積穀 明定州縣緝捕章程

十六年春二月沿河州縣築護城隄

三十三年興辦郵政

二十四年春正月改以策論試士建設學堂秋八月皇太后訓政
復制藝

二十七年停武科舉並童試 河運停罷全漕改折

二十八年春正月詔廢制藝改試策論經藝

二十九年夏四月裁綠營兵改練巡警

三十年正月本縣設立郵政代辦所 三月遵行錢鈔搭用銅元

三十一年春二月令州縣設罪人習藝所

秋八月停科舉及歲科試 停止刑訊

設立高等小學堂附設師範傳習所

三十二年舉貢考職 頒禁烟章程

館陶縣志

大事志 典制

八

三十三年至聖先師孔子升大祀

三十四年裁督糧道設巡警勸業二道

冬十月縣巡警所成立設置崗警

以尹新為區官

冬十一月明詔豫備立憲

宣統元年春正月山東省諮議局成立

同月選送自治研究員到省入所受訓

邑人徐恩溥王壽愷二名送省畢業回縣充縣自治

研究所
教練

二月奉頒城鎮鄉地方自治章程

冬十二月奉發籌備自治公所章程自治研究所章程暨籌備公所辦事期限單籌備自治公所兼自治研究所之圖記

二年二月縣自治籌備公所成立

同年三月自治研究所成立以熊廷獻為所長徐恩溥王壽愷為教員學員韓樹棟等四十名於是年

十月底一律畢業

三年春正月各區設立初等小學堂

三月縣議事會成立翟蘭彬孫文傑任正副議長

秋八月革命軍起於武昌舉黎元洪為都督

九月山東獨立縣議會致電響應是年十月取消獨立

冬十二月二十五日清帝遜位建立中華民國政府改用陽曆

民國元年一月設立勸學所馬魯泉任所長全縣學區劃為正南西南

東北西北四學區係按舊五十四里分配學堂學生一律剪髮並提倡女

館陶縣志

大事志 典制

九

子放足

四月縣議事會改組孫文傑當選為正議長閻公弼當選為副議長

七月單級教員養成所成立郝逢泰為所長設立宣講所在本城十字街勸學員及

各校教員分任講演十月遵令成立商務分會張醫洲為正會長崔尙資為副會長

十一月頒行地方官制知府知州及一切佐貳皆廢 縣公署遵

照分科治事章程設總務民政財政司法四科

十二月舉行第一屆國會議員及省議會議員總選舉以縣署為初選區道

署為覆選區邑人張鸞芹當選為省議員

二年一月縣官奉令改稱知事 巡警所改為警察事務所知事兼所

長另設一等警佐二等警佐各一員郵政代辦所改為二等郵局

二月奉令成立農林會以汪恒巖為會長

六月單級教員養成分所學員畢業共一百二十名

三年四月奉令取消學堂名稱一律改稱學校 乙種農業學校

成立李蓮舫任校長

十一月奉頒地方保衛團條例 遵令成立保衛團共五十四處團丁二千四百二十名

百二十四名

四年一月東臨道尹飭發各縣籌設保衛團教練所暫行規則

縣勸學所改為視學所以宋繼昌為所長

單級教員養成分所改為師範講習所以張青箱為所長

六月乙種農業學校改為乙種蠶業學校校長鄭元善仍舊

館陶縣志 大事志 典制 十

縣商務分會遵令改為商務會薛景秀被選為正會長杜希孔被選為副會長

各區保衛團增編為五十七處團丁共有三千零二十名

五年一月一日袁世凱叛國改元洪憲

四月知事沈懋祺遵令整頓警察呈准裁撤二等警佐添設馬警以資巡緝

五月洪憲取消黎副總統繼任為大總統

六年四月張勳康有為同謀復辟旋即消滅

七年縣視學所仍改為勸學所 師範講習所停辦

五月舉行第二屆國會選舉

十二月中央發行短期公債及六釐公債由商民分担票額

八年設立通俗講演所舊官講所取消以張玉如為所長地址在文廟內

九年四月遵令設立勸業所以韓繼周為所長

十年二月縣商務會改組為商會取消正副名義以張文翰為會長

三月創修館臨汽車路由縣城至孫寨北館致館大汽車路由縣城至

孫店館大交界六十里館冠汽車路由縣城至萬善館冠

五月舉行第三屆國會及省議會選舉邑人馬獻夫當眾議院議員

十一年四月設閱報所圖書館地址在本城關帝廟內

七月縣自治講習所成立以孫廷英為所長學員共五十七名十二月底畢業

十二年一月地方財政管理處成立以杜廣成為處長外董事四人王維會郭子嵐張文翰薛

景秀

八月勸學所遵令改為教育局以宋繼昌為局長

館陶縣志 大事志 典制 十一

各區保衛團擴為一百六十一處團丁共四百八十八名

十四年一月武訓完全小學成立地址在艾寨以張善守為校長

縣教育會成立以張耀宗為會長設立體育場地址在舊縣署曠場以孫陞名為場長

十月勸業所遵令改為實業局以韓繼周為局長

農林會改組為農會郭子嵐當選為會長

十五年四月中國國民黨館陶縣區分部成立以宋平齊為常委是為縣黨務組織

始之

六月縣黨務第二區分部成立地址在艾寨以張丕著為常委

縣警備隊設總隊部縣知事兼總隊長另設副總隊長一員共編八分隊每隊官佐日兵夫三十五員名

十二月縣立乙種蠶業學校改為縣立職業學校校長辛攀桂仍舊

十六年一月縣警備隊遵令改爲警察所城內設總所另設七分

三月縣黨務第三區分部成立地址在曹二莊村張鴻舉任常委

七月設置苗圃一處在城東魏莊後共地四十畝

十二月縣黨務開第一次全縣黨員大會於城內模範小學臨時

縣黨部成立宋平齋張丕著袁賓周當選爲執行委員

十七年四月縣黨務第四區分部第五區分部成立第四分部設楊草廠第五

分部設許莊

五月七日國民革命軍到縣黨務公開

七月縣政府奉山東省政府令裁汰書役改組政務警察

警察所遵令改爲公安局張欽安爲局長警備隊改組爲人民自衛團

館陶縣志 大事志 典制

縣長兼大隊長另設大隊副一員 地方財政處改組爲地方財政管理委員會

委員三人張鸞芹樊紹業張丕綱

山東高等法院令發戰地各縣縣法院組織暫行條例

八月令委臧著峻代理館陶縣法院審判官

國民革命軍第四軍馬鴻逵部到縣舉行軍民聯歡大會地點在舊縣署

廢址公民到萬餘人

新頒學制令將校字刪去改爲第幾小學小學修業六年初級四年高級

年二中小學男女生兼收

九月一日縣法院開院是爲本縣司法權與行政權分立之始婦女協會籌備會

成立

十月奉令發新頒縣政府內務行政綱要縣治要覽各地方救濟院規則

人民自衛團奉令改為武裝警察縣長兼總隊長另設教練官一員

縣黨務指導委員會成立張丕著宋平齋袁峻岐孫君野薛民五人為委員 縣黨

部舉行黨員總登記 縣農會改組為農民協會成立農協籌備

委員會

設立本縣黨政聯席會 縣教育會改組 設立救濟院

十一月奉令發縣政府辦事通則

實業局奉令改為建設局委楊景時為局長 婦女協會工作停止成立

婦女補習學校 小學教員黨義訓練班開學共二班學員一百零五人修業期限

館陶縣志 大事志 典制 十三

一個

縣總工會籌備委員會成立設本城舊城隍廟內張道明孫光玉張殿臣為籌備委員

十八年一月縣黨部開第二次全縣黨員大會選舉執行委員孫君

野宋平齋薛民張丕著劉煥文五人當選 同時選舉全省第二次黨員代表大會之

代表張丕著 縣黨務執行委員會成立

南館陶鎮第一完全小學成立以郝寶善為校長

二月成立館邱冠臨四縣農民訓練班於臨清

四月修築館冠汽車支路由南館陶至李榮沙河 及館邱汽車路

由縣城至張官寨西門外館邱交界共二十五里

五月小學教員聯合會成立 週報社成立館陶週報逐日發刊

六月縣農民協會整理委員會成立

七月山東高等法院檢察處令委黃敦漢代理館陶縣法院檢察

官到院視事

自是縣長不兼檢察職務
縣法院獨立組織完成

復設立師範講習所

教育局長郝介
眉兼任所長

婦女協會整理委員會成立

張連珠張玉貞
劉閏貞為委員

八月奉令頒新縣組織法限於十九年底完成縣組織

十月奉 明令公布自本年（即十八年）十月十日為縣組織法

施行日期附發縣組織法施行法

奉電令遵照縣組織法施行法第七條劃定各自治區並編定各

自治鄉鎮

館陶縣志

大事志 典制

十四

十一月縣黨務第一屆整理委員會成立

省委王澤化鞏樹森
安學會三人為委員

十二月縣政府新組織完成設各科錄事改編政務警察舊時書
役從嚴

裁汰

十九年一月地方財政管理委員會遵令改為財政局

以張鸞芹
為局長

二月縣總工會籌備委員會改為整理委員會

孫光玉劉蘭章張
紹方三人為委員

三月縣農民協會改為縣農會

李書勛被選為幹事長
楊子真被選副幹事長

四月修築館房汽車路

由縣城至
李官屯路

五月館自汽車路

由縣城至自新
寨路線三十里

五月華北事變起縣黨務區分部聯合辦事處成立

宋平齋劉子
傑張善寶為

常委

九月奉頒關於各地方救濟院規則第八條所稱地方法團之解釋該規則第八條所謂地方法團係指爲法令所認許辦理地方公共事務之團體而言若僅就一職業或文化所組織之團體雖亦爲法令所認許然非該規則所謂之地方法團

十月華北事變平息縣黨部奉省委趙蔭祺爲保管員自是月始至翌年二

月結恢復工作

同月全縣劃分八自治區編定一百五十六鄉又六鎮

奉頒聯莊會暫行章程

縣政府遵令造報職員政警勤務名額表表列卷二政治第三制度篇內第十一十二頁

奉令頒鄉鎮自治施行法第十一條第一項第二款曾在中國國

館陶縣志

大事志 典制

十五

民黨服務之解釋應以十七年總登記後取得黨籍並曾在本黨服務者爲限至現任黨務工作人員當然合於該款所定之資格奉令頒關於開除黨籍停止黨權與褫奪公權有無差別之解釋依鄉鎮自治施行法第七條規定中華民國人民經宣誓登記後爲鄉鎮公民方有出席鄉民大會或鎮民大會及行使選舉罷免創制複決之權而宣誓之要旨則爲誓行三民主義採用五權憲法若其人既受黨的處分被開除黨籍或停止黨權期內自不得謂之忠於本黨主義即難望其履行公民誓詞則此條之公民權亦不能任其享受故開除黨籍或停止黨之權黨員與褫奪公權無別不得享有鄉鎮自治施行法第七條之公民權及被選爲鄉

鎮閭隣各長之權

總工會奉令改組停撥地方經費改由會員自納會費總工會因之結束

二十年一月縣學區改爲第一第二第三第四等名稱舊之東西

南北名稱取消以新劃自治一四兩區爲第一學區二三四兩區爲第二學區五六兩區爲第三學區七八兩區爲第四學區

拐渠村第三完全小學成立以郝介眉爲校長

設立民衆教育館在縣城隍廟舊址張源清爲館長內分講演閱覽教學等部前講演所閱報所民衆體育場俱

併入

二月山東省政府佈告嚴禁私種毒卉

館陶縣志

大事志 典制

十六

遵令保送第三期區長受訓學員郭一麟等八名

三月縣黨務第二屆整理委員會成立趙蔭祺姜鳴謙李德全爲委員

四月奉令整頓育嬰所並喚起民衆家庭注意育嬰保健方法減少嬰兒死亡率

奉令頒關於宗教師疑義之解釋教徒僅信奉宗教並非居於領道地位自不得謂係鄉鎮自治施行法第十一條第二項第三款所稱之宗教師又其名雖非教師而實際上在教會所擔任工作確居於領導地位自應以教師論

全縣八自治區區公所成立全年費共一千二百元

縣黨部附設民衆學校成立 選國民會議代表

修築南房汽車路

由南館陶鎮至房兒寨路線十五里

五月奉頒區鄉鎮坊調解委員會權限規程

奉頒促進地方自治及注意鄉鎮組織與人選辦法

奉頒關於鄉鎮自治施行法第十一條第一項第二款疑義之解

釋該法第十一條第一項第二款規定係指曾服務於中國國民

黨各級黨部之委員職員而言至黨部之僱員自不在該款所謂

服務之範圍內縣自治第五區第六區第七區第八區調解委員

會成立

每會委員五人

山東省區治協進會館陶縣分會成立

郝介眉為正會長霍

瑞雨為副會長

設立長途電話分局

館陶縣志

大事志 典制

十七

遵令成立總工會 縣土木工聯合總會相繼成立

六月中央公布約法 縣自治人員訓練所成立

全縣八自治區內各鄉鎮公所成立

七月奉令發鄉鎮自治訓練課本

共五種民權初步地方自治制度會議要旨區自治施行法鄉鎮自治施行法

奉令發開除黨籍停止黨權與褫奪公權有無差別一案原決議

修正文開除黨籍者不得享有鄉鎮自治施行法第七條之公民

權及被選為鄉鎮間隣各長之權至停止黨權之黨員不能與開

除黨籍者並論

公布第一次檢定小學教員 師範講習所學員五十名畢業該

所停辦

縣立職業學校改為縣立職業補習學校

校長辛攀桂仍舊

九月臨夏館清邱冠六縣聯立鄉村師範學校成立設於臨清本縣共送學生

二十
四名

遵令填報全縣戶口統計表表列政治第三頁

遵令填報訓練助理員鄉鎮長副閭隣長人數表表列政治第三頁

設立度量衡檢定分所

十一月奉令發關於鄉鎮監察委員被選為調解委員得否兼任及發生問題如何解決之解釋(一)對於兼任監察之鄉鎮調解委員如依鄉鎮自治施行法第三十三條第三項規定行使其監察權時即應迴避(二)該員所兼調解委員或職務如因違法失職已被停止或罷免時其監察委員職務亦應同時停止或罷免

館陶縣志

大事志 典制

十八

(二)區及鄉鎮監察委員以不兼任調解委員為原則但鄉鎮地域較小人材無多故暫不限制其被選為調解委員而兼任者不得超過監察委員之半數

成立反日救國會

十二月設立電話事務所

二十一年一月張官寨第四完全小學成立以沈秀亭為校長

三月設立平民工廠

四月反日救國會取消奉令組民衆救國會

奉令嚴加整頓政警

六月縣商會奉令改組適用委員制張向斗當選主席

九月奉令頒縣參議會組織法縣參議員選舉法同年八月十日國民政府公布

縣黨務第三屆整理委員會成立汪培華張丕著魏德隆三人為整委

十二月奉發山東各縣縣政府組織暫行辦法及財政建設教育

三局改科辦法

二十二年一月奉令發修正各縣裁局設科辦法

縣財政建設教育三局遵令改為縣政府第三科第四科第五科

奉令縣法院裁撤改設承審員

奉令發修正縣府裁局為科關於建設之適宜組織及其應守之

規章

奉令發縣佐治人員任免辦法

館陶縣志

大事志 典制

奉令初級小學一律改為村立 推廣義務教育

淺口鎮第五完全小學成立以崔德隆為校長

設置農事試驗場在城東門外路南共地三十畝

第六區蕭家屯信用合作社成立

三月奉令新委公安局長民國副隊長一律來府受訓

四月奉令縣市參議會兩組織法縣市參議員兩選舉法自本年

(二十二年)三月十二日施行

奉令縣政府第二科長略事變通縣長保送人員須經考驗合格

方准任用

五月第六區護法寺第八區房兒寨伴導村拐渠村四信用合作

社成立

六月奉令委工程師到縣司設計建設查勘等事初委劉德峻去職嗣委劉學來

充接

第二區汪堤第八區趙莊兩信用合作社成立

七月第三區都齊寨信用合作社成立

八月第四區前時玉第八區麻呼寨兩信用合作社成立

九月第一區童莊第四區後時玉第七區曲莊三信用合作社成

立

十一月遵令呈報各區鄉鎮長副姓名表表列政治第三制度量衡檢定分所裁撤歸併第四科兼管

度量衡檢定分所裁撤歸併第四科兼管

館陶縣志

大事志 典制

二十一

二十三年一月徐村第六完全小學校成立以楊景時為校長

三月奉令發修訂山東省縣參議會籌設程序表

遵令更正第六區影莊鄉為西寶村鄉

四月第七區南館陶鎮信用合作社成立

五月遵令設立國術館縣長丁世恭兼正館長孫陞名任副館長兼教務主任

六月奉令發考詢縣佐治人員辦法

第五區顏窩頭第八區常兒寨孟良寨三信用合作社成立

七月奉令縣政府各科及公安局民團職員經縣長切實具保非

呈奉主管機關批准者無效至公安局巡官等均須由巡長警按

次遞升

縣立平民工廠遵章改爲民生工廠

復設師範講習所

地址在舊職業補習學校

八月中央公布八月二十七日爲先師孔子誕辰紀念日

奉令頒先師孔子誕辰紀念辦法附紀念秩序單

九月奉令發扶植自治時期縣市參議會暫行組織辦法縣市參議員違法失職暫行處分辦法

十月新生活運動會成立 設立戒煙所

十一月奉令調缺縣長及新委縣長更換職員除政務警長外均須呈由主管廳核准後方准任用

十一月奉令裁撤各區區長

館陶縣志

大事志 典制

二十一

十二月奉令聯莊分會長一職由鄉鎮長中每區公推三人呈由縣長擇委一人以專責成

二十四年一月遵令呈報各區聯莊分會長姓名年籍履歷一覽

表

表列政治第九武備篇內第二十三二十四頁

農事試驗場改爲第二苗圃

二月奉令發嚴密規定各機關組織及確定職員名額辦法

奉令發先師孔子紀念歌譜

三月奉令紀念孔子時四配十二哲及兩廡諸賢一併列入

遵令成立進德分會

縣長丁世恭黨務整委會委員一百零九名

修築尖邱汽車路

由尖塚至自新寨館邱

南大汽車路

由南館陶至營裏館

大交界路線二十五里

二 災祥

漢孝武元封二年瓠子塞後河復決館陶分屯氏河東北入海

成帝建始四年河決館陶及東郡金隄凡灌四郡三十二縣水居

地十五萬餘頃壞官民室廬四萬餘所先是清河都尉馮遂言郡

承河上流土壤輕脆易傷向所以無大害者以屯氏河通兩川分

流也今屯氏河塞靈鳴犢口在今高唐縣南又不利獨一川受數河之任

雖增高隄防終不能洩可復浚屯氏河以洩暴水事下丞相御史

以為方用度不足可且勿浚遂不果行以上舊志

新莽始建國三年河徙自元城東出館陶東武陽經漯水東北至

高唐又東北至千乘在今高苑縣北入海是為河流東徙之始通志

館陶縣志 大事志 災祥 一二十二

唐玄宗開元十四年秋八月魏州沿河溢唐魏州所領縣在今山東境者五館陶冠氏尤

河瀕宋仁宗皇祐二年河決館陶縣郭固口以上通志

至和二年河決大名館陶殿中丞李仲昌請自澶州商胡河穿六

塔渠以回河道遂以仲昌提舉河渠歐陽修三上疏力諫其不可

後塔成河復決舊志

神宗熙寧六年夏四月館陶縣黑風通志

元成宗大德四年館陶產嘉禾一莖六穗見嘉禾碑舊志

泰定元年秋九月濮州館陶縣及諸衛屯田水通志

武宗至大元年澶曹濮高唐等州蝗館陶與焉舊志

文宗至順元年春三月濮州臨清館陶饑舊志

明宣宗宣德九年冬十月發臨清倉賑饑民是歲濟南東昌明時館陶

縣屬東昌旱通志

孝宗弘治五年東昌等處旱大饑館陶斗米百錢

十五年漳水決魏北注館陶 秋九月濟南東昌同日地震壞城

垣民舍館陶同日地震濮州尤甚以上舊志及通志

世宗嘉靖八年御河即衛河決漂沒館陶居民田廬

十五年夏六月旱蝗蔽天

三十年衛河決臨清館陶壞民廬稼

三十一年河復決水大鳴如牛聲數數日逐東徙

館陶縣志 大事志 災祥 二十三

三十二年大饑斗米百錢

三十九年大旱

四十一年春大饑巡撫朱衡移文給民粥

穆宗隆慶二年旱

三年閏六月衛河決館陶溺死人畜無算

神宗萬曆三十五年衛河決

四十一年水由莘縣堂邑流至館陶東北楊兒莊入大隄西歸衛

河人傳黑羊山水

四十二年旱蝗令民捕蝗照蝗給穀

熹宗天啓二年春二月地震三月再震

五年春二月異風晝晦如夜

以上舊志及通志

莊烈帝崇禎十一年夏六月有蟲五色一二日間食苗盡 秋七月飛蝗蔽天食樹葉蝗蝻入人室

十二年蝗蝻食麥

十三年夏五月大旱蝗冬十二月大饑人相食

十四年地穰生黍稷人賴以生

以上舊志

清世祖順治五年夏五月大雨雹麥盡傷

十年夏五月初八日夜大風雨雷電拔樹孔廟柏樹拔二株
閏六月衛河決全邑受災

十一年秋八月初五日卯時地震

館陶縣志

大事志 災祥

二十四

十二年秋九月十六日夜霜殺禾

十三年春三月初八日暴風晝晦 閏五月蝗

十四年春三月初五日夜隕霜

聖祖康熙四年夏四月大旱歲大禋巡撫周有德題請閣省蠲免租稅

七年夏六月十七日地大震

九年秋旱 蠲正賦七千三百七十餘兩

十年春不雨 發積穀二百七十五石一斗又請發臨清倉米八百石 夏六月蚘蝗食禾 蠲正賦七千五百八十餘兩

十一年夏四月十三日河西雨雹十里 蠲正賦四十八兩

秋七月飛蝗蔽日 一面請蠲一面懸賞令鄉民掩捕數日之內
四關廂集蝗如阜秋禾賴焉

十三年夏旱 蠲正賦五千一百三十九兩

十四年四月十一日黑風自午至暮 十二日夜間隕霜殺麥

發賑穀七百二十石 三十日大風晝晦如夜 閏五月二十一

日大黃風從東南起晝晦

三十九年五月十一日大雨自巳至申禾盡沒

四十一年四月二十八日大雨雹電城東樹木析傷麥禾盡萎一

望如冬

四十二年五月後霖雨連綿田禾淹沒河水泛溢與坡水相接平

館陶縣志

大事志 災祥

二十五

地水深數尺知縣陳冕徧歷查勘奉詔蠲賑截漕發帑遣官救養

多方調護民賴全活

以上舊志

四十三年大有年

通志

四十四年三月初四日大風晝晦如夜

四十七年六月大旱秋禾不收知縣高錕查勘詳請按災免賦散

穀賑濟全活甚衆

五十一年二月初十日未時黑風晝晦飛沙盈尺夜半方息

六十一年旱荒

世宗雍正元年又旱知縣楊一正詳請賑濟施粥給糧親造閭閻

粥必親嘗粟必面給

以上舊志

三年春二月庚午日月合璧五星聚於娵訾通志

秋七月大雨連綿衛河泛溢田禾俱傷廬舍傾塌知縣楊一正申

文告災舊志

四年東昌府屬大水館陶與焉通志

八年衛河沖決南自宋家莊北至孫寨隄口四十餘里非舟不可通行城屯四門勢甚險急是歲漕米帶徵錢糧減則九十十一年俱被水災特河未決耳舊志

高宗乾隆二十二年東昌府屬館陶冠等縣被水災令酌量輕重賑饑災重者折賑倍給其值於加賑外多展一月凡屬災區一併

免徵通志

館陶縣志

大事志 災祥

二十六

五十九年衛河決口採訪冊

仁宗嘉慶四年夏四月朔日月合璧五星聯珠通志

十八年奉諭將毗連被水災區之館陶縣併予緩徵通志

宣宗道光三年衛河決口採訪冊

十年閏四月十二日夕地震樹木撼搖有聲城樓瓦落採訪冊

文宗咸豐五年風旱成災緩是歲租賦通志

七年旱蝗為災歲大饑至有以人肉充糧者採訪冊

八年四月二十日風霾晝晦夏又無麥鄉土志

九年夏五月初黑風突自西北滾至天地晝晦時正剝麥農婦奔避有被風捲起越河始墜者有姊妹携手同奔誤落井中者有壓

於大樹下而死者凡在田中之麥顆粒未收採訪冊

十一年夏五月彗星現於西北採訪冊

穆宗同治元年夏旱苗盡槁大饑正賦蠲免鄉土志

七年衛河決口採訪冊

九年秋霖雨衛河決正賦蠲免鄉土志

十二年五月初六日地震殷殷似雷聲是月杪大雨六日廬舍傾塌田禾淹沒

德宗光緒三年亢旱無秋至四年春人多饑死是歲正賦蠲免

六年六月旱後大雨觸鼻有臭氣棉禾俱傷

八年秋八月冀方蚩尤星現至年終乃隱

館陶縣志

大事志 災祥

二十七

九年夏六月澇秋八月十三日衛河由馬頭決口城北城西被水災者六十餘村冬十月初一日日食前一日亥初天赤如火從此朝暮亦如之翌年正月止

十一年麥後缺雨至六月中旬霖雨一連四十餘日柴棉皆被淹死禾稼減收是年冬十月二十二日戌刻流星亂隕已而黑氣蔽天移時乃銷

十六年夏六月十七日夜間衛河又在馬頭決口水勢較前更甚十八年閏六月初二日漳水注衛河東西兩岸決口數處全縣幾成澤國正賦蠲免十之三

二十年秋七月沁河決北注衛兩岸決口十餘處當其衝者土屋

皆傾人畜致被淹斃各鄉義士救死賑生正賦分別蠲緩

二十一年夏四月蝗食麥官勸富室買蝗捕殺之幸未遺種

五月初黃昏後隕星於城南安堤次蚤村民尋之得石作稜角形其色黝灰其質不甚堅凝

二十三年夏五月十一日未刻雨雹數分鐘始止平地積有寸餘禾葉盡脫根株亦萎月餘始發芽是災西北鄉爲甚

二十六年庚子春夏無雨至七月初十日降雨三寸始得播種晚禾十六日普雨霑足隨後五日一雨禾苗旺發閏八月二十七日驟降嚴霜禾稼盡枯顆粒無收統計本境之糧不足支持一月是年公賑亦少官免賦稅無救流亡翌年麥熟人民始稍稍復業二

館陶縣志

大事志 災祥

二十八

十七年二月十六日辰刻黑風大作自北而來歷三時方息極甚時出手不能見掌行人潛伏於路俱不敢動有爲風氣噎死者三十二年十一月初一日未刻日食六七分天地黯淡歷三刻始漸

復明

以上俱採訪冊

民國六年夏秋之間衡水三漲河東由紙房村決口被災者三十餘村維時又降大雨平地水深二尺小麥不能播種成災之鄉村分別蠲緩丁漕

檔案

九年本縣全境大旱徧地赤土人食草根樹皮爲生逃亡男婦達十分之四官爲請賑免徵是年國賑義賑協賑鄉賑共九次又從湖北運來白糧從天津購來紅糧分區平糶民命始得稍蘇

檔案

十三年夏漳水灌衛衛河水溢由河東邑城西北喬莊決口廬舍傾塌秋禾淹沒被災者三十餘村秋徵分別蠲緩案檔

十五年六月五日大風拔樹屋瓦多被摧殘採訪冊

十六年麥遭黃丹秋禾未熟採訪冊

十七年春連日大風平糶糧欸又被饑軍攫去入夏雨不時降飛蝗入境至八月初九日夜間又降苦霜年收不足三分本境南鄉多有鬻女於山西者中產之家亦所難免是年災况南重北輕正供分別蠲緩

十七年秋蝗災

十八年廢曆正月十八日亥初隕星於城南也村初天際忽發火

館陶縣志

大事志 災祥

二十九

光有聲若電隆隆然自西而東至也村紛落若磚石屋瓦震毀當時疑爲匪劫繼乃始知隕星明日視之村內外皆有其形若碎炭大小不一

是年秋蝗復爲害繼之以蝻蝻又成蝗愈捕愈多至八月忽來山蜂無數將蝗螫死其患乃息採訪冊

二十二年秋本縣第五六七八等區東富貴莊等八十三村莊飛蝗遍野蠶食禾苗當經民衆聚捕是年蝗災東富莊等六十五村莊較重社裡堡等十八村莊較輕案檔

二十三年夏本縣第五區後許莊等十二村莊被冰雹麥禾俱傷

案檔

二十四年五月九日即廢曆四月初九日申時紅風自北方捲地而來飛沙

迷日行人斷絕室內昏黑非燃燈光不能見物傍晚風仍未息

六月五日即廢曆五月初五日辰刻東風徒起復轉南風漸改西風下午申

刻黃風大作自北南歷春迄夏風旱為災秋禾不能播種

七月七八九十四日始降普雨農人得種晚禾自是陰雨連綿又

苦霖雨至八月五六七八四日即廢曆七月七八九十四日每蚤大雨如注每次約

歷兩刻鐘之久房舍傾塌禾盡淹沒同時河水暴發兩岸堤內田

禾又沒於水高原之地間生害蟲嚙食禾心禾穗統計秋景不足

半收民衆全體報災請賑結果按被水成災地畝分別等差蠲免

丁漕並由各鄉捐款每區分發百元設置粥廠以賑老弱饑民檔案

館陶縣志

大事志 災祥

茲將民國紀元後與紀元前五十年來本境被災次數列表於左
以備參攷

山東省館陶縣民國紀元後與紀元前五十年來被災次數表

年份	災別				備考
	水	旱	雹	蟲	
民國元年					
二年					
三年					
四年					
五年					
清光緒十一年					一次
十二年					
十三年					
十四年					
十五年					

館陶縣志

大事志 災祥

三十一

合	二十四年	二十三年	二十二年	二十一年	二十年	十九年	十八年	十七年	十六年	十五年	十四年	十三年	十二年	十一年	十年	九年	八年	七年	六年
計	一											一							一
二次	一															一			
二次	一																		
一次		一																	
三次			一				一	一											
合	三十四年	三十三年	三十二年	三十一年	三十年	二十九年	二十八年	二十七年	二十六年	二十五年	二十四年	二十三年	二十二年	二十一年	二十年	十九年	十八年	十七年	十六年
計									一						一		一		
四次																			
一次									一										
一次												一							
一次														一					

三 兵警

漢成帝更始二年檀鄉賊始起在平入清河光武遣吳漢追及館

陶敗之又銅馬賊數十萬入青陽博平遣徧將軍姚期迎擊之舊志

東晉 孝穆永和七年春三月魏主閔大破趙王祗將劉顯軍追奔至

陽平胡注魏州莘縣漢為陽平縣陽通後趙陽平理館陶縣志

東晉 孝武太元九年春正月鮮卑慕容垂自稱燕王都中山垂子農

自將攻館陶破之通志

十七年春二月燕主垂如渤海平原翟釗遣其將翟都侵館陶屯

蘇康壘胡注蘇康壘應通志在館陶縣西南

唐高祖武德三年劉黑闥為太子建成齊王元吉所追闔食盡衆

館陶縣志大事志 兵警

多散亡或欲縛其渠帥以降闔恐城中軍與大兵表裏擊之遂夜

遁至館陶永濟橋未成不得渡舊志

攷黑闥貝州人嗜酒亡賴少與竇建德相友建德敗還匿漳南

會高祖召建德故將范願等將用之願等疑畏共推黑闥襲漳

南縣破之自稱大將軍已又陷相州號漢東王建元天造仍都

洛州皇太子齊王悉兵戰館陶黑闥大敗遁去總管崔元遜誘

執斬之

德宗興元元年正月朱滔遣兵攻宗城冠氏拔之又縱回紇掠館

陶舊志

昭宗二年二月朱全忠遣其將李思張敬將兵救魏博時葛從周

自邢州將兵八萬已入魏州戊申劉仁恭攻上水關闢館陶門從周與宣義牙將賀德倫殊死戰仁恭大敗

後梁貞明元年晉王進屯永濟張彥選銀鎗效節五百人執兵自衛詣永濟謁見王登驛樓語之曰汝陵脅主帥殘虐百姓數日中迎馬訴冤者百餘輩汝雖有功於我不得不誅以謝魏人遂斬彥及其黨七人餘衆股栗

後唐同光四年春二月皇甫暉殺楊仁晟擁趙在禮爲亂焚掠貝

州南趨臨清永濟館陶所過剽掠

以上舊志

明建文元年十一月成祖靖難兵至臨清移屯館陶十二月至東昌平燕將軍盛庸麾兵圍數里成祖易服躍馬潰圍出退駐館陶

館陶縣志

大事志 兵警

三十三

鄉土志

正德六年流賊劉六等寇館陶莘縣遊擊將軍許泰帥師破之

崇禎十一年十一月清兵渡衛河抵館陶

十五年閏十一月十二日清兵破臨清二十六日圍館陶攻竟日城守甚固旋解去

十七年三月闖賊李自成僞設館陶令程文煥河津生員兵科給事中監軍凌駟工部主事代東昌道于連躍舉義擒文煥梟示之事

以上舊志

清乾隆三十九年壽張人王倫以邪教感衆黨與旣衆因而作亂八月間攻陷堂邑遂延蔓而北到處劫掠至館陶城東北之密坡

有林潘寨村武庠生王建基躍馬大呼直趨賊所殺數賊賊復至又殺數人賊皆披靡不敢西逸因出館陶境北下佔臨清月餘舒赫德率師討平之

鄉土志

咸豐四年三月太平軍將林鳳祥李愷方率衆北犯沿途殺掠由冠縣赴臨清路經館陶東北之李官莊紫木爲營前驅已抵臨清圍攻半月終用地道法轟城之西南隅陷之屠十餘萬人復由臨清趨天津僧格林沁一擊之於連鎮再殲之於馮官屯匪衆遂燒營南遁渡黃河去

自官軍與太平軍相持於大江南北河南山東捻匪又起繼以咸豐七年之凶荒流民失所土匪又生心附近各縣頑民有習八卦

館陶縣志

大事志 兵警

三十四

教者乘機作亂分張旗幟以應方色黃旗匪張善繼孫全仁爲首紅旗匪鄒洛文張宗孔爲首白旗匪程順書石天雨爲首藍旗匪左臨明爲首花旗匪楊朋嶺爲首大綠旗楊泰楊福齡爲首小綠旗雷鳳鳴王振南爲首張藍旗之左臨明後與姚泰來等改換黑旗推宋景詩爲首莠民響應匪衆日多內中惟黑旗紅旗花旗匪最強迭擾陽穀堂邑莘縣朝城冠縣館陶邱縣以及直隸之廣平曲周等縣

咸豐十一年三月下旬黃旗紅旗黑旗匪糾衆五千攻館陶外援不至城守空虛匪徒於二十九日黎明爬城殺守陴者開門納衆劫官庫燒衙署監獄廩倉署中案卷盡燬四月初三日援道通官

兵由尖塚至匪徒乃出西門渡衛河去燒水次東廠

縣城東南孝二里人民多習槍棒太平軍北犯時曾調充護城勇官加獎勵人民益習技擊該里東招村有紅拳會技術更精數數擊賊賊不敢近同治二年八月初四日黑紅旗匪合衆撲招村村民持槍備戰賊故狡乃揚言曰不過假道村外決不相擾前驅匪夥已過去村民戰備稍懈其實賊中亦有精技擊者全在後夥前旗回指後夥馳入村前驅遂返乃蜂擁齊入村民措手不及併力混戰殺傷相當乃賊愈衆民愈寡終不能支有被賊殺死者有生獲剝其手足者有燒斃於火者捐生殉義共六十二名皆壯男子婦女老幼已先逃去事後官上其事於大府轉請表揚准招村建祠設位歲時致祭至今祠尙存

館陶縣志

大事志 兵警

三十五

統兵大臣勝保因賊數衆多欲滅其力誘宋景詩投誠冀以賊制賊景詩既受編降衆仍不戢道員陳顯彝謂納降非策勝保故不聽會勝保以事獲咎景詩慮禍及遂復叛各旗聯絡有數萬人遇官軍慣用橫截法官軍猝不及防卽首尾不能相顧副都統遮克敦布營官謙禧尤畏賊如虎躡賊營在十里外賊行亦行賊止亦止時人有謙不打遮不動之謠

僧格林沁督師抵館陶號稱鐵騎擊黑旗賊景詩初不知爲僧王兵殊死戰旣乃知僧王在前敵時正歎粥手顛盃墜地遂率衆遠颺各旗賊遇僧王兵皆不戰自潰僧軍嘗追賊一日夜行三百里

賊不得停足嗣僧格林沁剿擒匪於曹州死之各旗匪復熾總計擾攘八九年馳逐數百里民生大蹙後擒匪爲李鴻章所平本地旗匪亦漸滅

以上採訪册

宣統年間有白玉山者租籍南宮生於館陶之西鄉本姓韓弱冠後嘗雲遊不歸歸則以燒香敬天爲名暗傳八卦教遠近從者甚衆縣官文弱不加禁止民國元年三月白以爲時至可爲益號召黨徒沿村勒索錢馬土匪咸附之至孩寨村衆擊以抬槍土礮乃他去縣署接警報派隊跟剿乃於館陶交界處一鼓成擒其黨警潰白匪帶城訊明正法

採訪册

民國元年土匪蜂起冠縣馮西鈞王六焦二館陶王洛文三禿子

館陶縣志

大事志 兵警

三十六

臨清任慶林等嘯聚強劫狼突豕奔時官軍以鞭長莫及乃倡議招撫收編爲保安隊王六焦二駐冠縣各鎮馮西鈞王洛文所部分駐淺口房寨大營在社裡堡詎受撫後益復縱恣四方匪徒日集隸屬保安隊民益不安該隊橫暴若虎狼營杜縣署詈辱並威迫議事會加餉是年八月知事王慧亭蒞任密狀聞於大府山東都督周自齊決計痛勦維時焦二被馮王所逼已向官軍通款十月中旬派員分赴保安隊點驗以安其心密飭巡防統領李德厚率全部進剿十月二十四日夜銜枚疾趨進逼各保安隊駐紮所同時發槍各處隊彼此不能相顧遂分向四處竄潰防營由社裡堡抄出匪黨三十餘人帶城正法由是鄉民稍安

十四年冬客軍旅長梁壽愷遣其營長趙鼎彝由河北畧地來館時知事管祖式能吏也嘗剿匪躬先士卒子彈如流星不稍懼並督辦團防繕械練丁深得民心至是乃召集城內各機關及各區鄉團長來城會議敵趙營之舉動定應付之方針趙駐南關計畫收槍並徵款無保境衛民之意於是密調團勇來保城故令炫其服裝整其槍枝此團由東門揚旗鳴號入暗由北門出彼團暗由西門出又排隊唱歌由北門入城內團旗幾滿聲勢若二三千人城外亦若有二三千人者然後請趙會議對衆宣言謂趙營不比其他隊伍來此負有保衛之責應請其入城駐紮各鄉團各歸各鄉靜聽後命各鄉團長故不屈趙昨舌已而罷會嗣到南關道歉

館陶縣志

大事志 兵警

三十七

贈以重幣勸以甘言未幾趙營拔隊去鄉間未失一槍未損一款十九年七月僞師長仇錫良率衆千餘人來襲南館陶佔距河東街南館陶派專差飛報縣政府請派隊急援賊中僞參謀陳思明館陶人性狡而悍賊衆倚作謀主陳匪過河西與鄉團長張雲慶等接洽謂仇師長無他意不過餉項支絀來此徵給養耳言肆氣橫磋商無結果張雲慶等知其意叵測乃陽與議和暗修戰備請陳匪過河西再議出其不意斃之遂指揮團丁齊向匪衆射擊匪初來時科鄉團無能爲有浴於河下者有乘涼樹陰者及聞槍聲倉皇還擊維時河西各團防已陸續到達伏於河西隄外列陳南北幾二十里作戰團丁益奮擊相持四五小時賊探知附城隊伍

亦將到乃縱火南奔南館陶河西街以及河西各村落未受荼毒
匪之去也經過平村有團勇五人擊側面賊百餘人蜂擁而前大
呼繳槍團勇中有老於行伍者一人謂力抗則得生跑則死繳槍
更遭慘死於是伏作扇面形發連環槍賊不敢逼未幾城中隊伍
已到跟縱尾擊賊過七村戕其莊農二人鋤團丁二人因後有追
兵盡焚其廬舍糧食向南逸去

是年八月匪師長王冠軍匪旅長王金發率衆二千人由聊城堂
邑來館欲佔館城爲根據地維時南北紛紜山東官軍不能西顧
王冠軍曾充正式軍官王金發係館陶北鄉人來館聲稱安民保
境城內窺破陰謀閉門不納賊分駐東關南關遣其黨羽高登峯

館陶縣志

大事志 兵警

二十八

駐河西之馬頭作包圍之勢城中派出代表分向東關南關匪首
議和優給餉糈約以退兵賊堅不允城外游擊團長暨紳商董事
開緊急會議分調鄉團尅日進擊並派員赴臨清向軍營求援八
月十三日復由代表分向東關南關要求匪軍退去磋商未返德
區已率團勇八百人到縣向賊射擊各代表設法脫險兩方決裂
槍礮齊發聲震數十里縣長見勢危急先已乞援出城城中隊警
兵不滿百人無固志屢有縋城出者賊負梯逼南城急不能上復
強迫民夫負洋油燒城之南門門已燬矣城內偶有人言用以火
禦火之法運秫稽木料實填門中火勢熾發賊用濕被蒙人及馬
冒火馳入魏排長等竭力抵禦人馬燒死門中被迫之民夫亦早

中飛彈死德區團挑奮勇百人由北門縋而入守陴兵氣始壯激戰二日匪魁王冠軍王金發皆受傷匪衆死者甚夥駐馬頭之匪見東岸隱隱有伏兵各游擊團又分途迫其後或擊其側因之未敢薄城城東北團兵節節進逼賊退守蕭城未幾應援之隊伍已到追之於蕭城賊始向莘縣觀城一帶遁去聞王冠軍自縊死匪夥高登峯亦向邱縣方面遁去

四 封爵

漢文帝女(竇后所生)文帝即位為館陶長公主堂邑侯陳午尚

之舊志

宣帝女(愛姬華婕妤所生名施施)為館陶公主于定國子永尚

之舊志

光武第三女(名紅福)為館陶公主適韓光明帝時為子求郎帝

不許謂羣臣曰郎官上應列宿出宰百里苟非其人民受其殃賜

錢千萬并以館陶地為公主食邑

舊志及鄉土志

魏黃初六年改封館陶王霖為東海王

通志

晉館陶王當恣莊王之子封於此

舊志

館陶縣志

大事志 封爵

四十

北魏王榮世本縣人以功進爵為伯

見人物舊志

唐高祖第十七女為館陶公主適崔宣慶高祖崩葬獻陵詔子孫

願陪葬者許之公主與焉

舊志

郭震以功封館陶男進封代國公

舊志

攷震字元振貴鄉人封館陶男食邑三百戶震少有大志十六

與薛稷趙彥昭同為太學生家嘗送資錢四十萬會有衰服者

叩門自言五世未葬願假以治喪元振悉與之不問名氏稷等

歎服十八舉進士為通泉尉任俠使氣不拘小節武后詔與語

奇之索所為文章上寶劍篇后覽嘉歎西兵寇涼州拜震為涼

州都督自是州無患又開屯田水陸之利稻收豐衍牛羊被野

河西諸郡立祠頌德神龍中遷安西大都護進爲太僕卿將行
安西號泣相留此去涼州猶八百里城中爭以壺漿歡迎則天
二年以兵部尚書門下三品誅太平公主有功進封代國公復
爲朔方大總管未行會講武驪山帝親之震遽奏止帝怒將斬
之劉幽求張說諫止流新州起爲饒州司馬道病卒東萊先生
云諒乎元振功顯節完一跌未復世恨蚤歿云

明弘治十六年封魯莊王陽鑄子常淑爲館陶王

通志

五封贈

(元)

劉淵 以子源官封宣武將軍妻馮氏封彭城太君

張棄 以孫弼爵贈清河郡太守將軍上輕車都護清河郡開國伯

張異 以子弼爵贈清河郡太守將軍加獲軍清河郡開國侯

(明)

劉鑑 以子志秩贈安承德郎陝西慶陽府通判

郭維貞 以子良秩贈太宜人祿寺少卿

武肅 以子雷秩贈奉政大夫

白政 以子祥秩贈文林郎

館陶縣志

大事志 封贈

四十二

耿耀 以子明秩贈文林郎貴州道監察御史

武雲 以子德智秩贈文林郎寶坻知縣

王時 以子寶秩贈封徵仕郎永平府經歷

楊傑 以子師震秩贈戶部主事

武德智 以子建邦秩贈奉政大夫

耿僉 以孫如杞秩贈通議大夫都察院右副都御史

耿洛 以子如杞秩贈通議大夫都察院右副都御史

姚惟一 以子鉉秩贈中憲大夫

汪應科 以嗣子承性秩贈金吾前衛經歷司經歷

汪應詔 以子承性秩贈封徵仕郎金吾前衛經歷司經歷

汪應寧 以子若愚秩贈光祿寺監事

(清)

耿含光 以子願魯秩封翰林院庶吉士

馬雲虬 以子延眉秩贈明威將軍

徐爾昌 以子璉秩贈儒林郎

李 湘 以孫諭忠秩於嘉慶元年贈文林郎

李志本 以子諭忠秩於嘉慶元年贈文林郎

閻宗洙 以子霖封秩於同治十一年封武德騎尉

閻名經 以弟霖封秩於同治十一年封武德騎尉

張麟兆 以孫琳封秩於同治十一年封武德佐騎尉

張維春 以子琳封秩於同治十一年封武德佐騎尉

侯建勳 以孫溟鯤秩於光緒十三年贈奉政大夫

侯金藻 以子溟鯤秩於光緒十三年贈奉政大夫

王廣玉 以曾孫占元秩於宣統元年贈振威將軍

王雙士 以孫占元秩於宣統元年贈振威將軍

王興仁 以子占元秩於宣統元年贈振威將軍

王占魁 以弟占元秩贈封夫威將軍

館陶縣志

大事志 封贈

六褒揚

閻清臣 民國十二年呈蒙大總統褒揚日令德孔昭

張錦幃 民國二十四年呈蒙國府褒揚日行式鄉閭

館陶縣志

大事志 褒揚

四十四



